

A E mensahe di Dios (Revelashon 3:14-22):

❖ Evaluasho (vv. 14-17)

- E mensahe na e shete iglesianan pa presentá e kondishon di e mundu for di tempunan apostólíko te na e dia presente (Rev. 2-3). Presentando e mensahe pa nos dia (Laodisea), Hesus ta presentá Su mes komo “ e Amèn [e Bèrdat], e Testigu fiel i bèrdadero ” (Rev. 3:14).
- Ora ku nos wak nos mes nos ta mira nos Bèrdat : “ Mi ta riku, i a haña yen di sèn, i no tin mester di nada” (Rev. 3:17a).
- Pero Hesus ta mira e **bèrdat** , nos realidat: “ Bo ta deplorabel, miserabel, pober, siegu i sunu (Rev. 3:17b).
- Awor ta tempu pa evaluá nos mes. Mi ta konsiente di loke berdaderamente mi tin, i loke ainda mi tin mester? Kuantu mi a krese den mi relashon ku Hesus? Mi ta kambiando pa lo mihó?

❖ Solushon (v. 18)

- Pasombra sintiendo komfortabel ku nos situashon ta produsí apatia (tibiesa), Hesus ta konsehá nos pa hasi tres kos:
 - (1) Kumpra oro refiná. Nos no mester stablesé pa mitar-bèrdatnan òf un estudio superfisial di e Beibel. Nos mester deshasí di doktrinanan humano (oropel) i investigá(eksaminâ) mas profundo den nos estudio di e Beibel pa kita tur imperfekshon (basura) for di nos komprendementu di esaki..
 - (2) Kumpra pañanan blanku. Aseptando Hesus Su hustisia komo e úniko kaminda pa logra salbashon. Purbando pa presenta nos mes na Dios ku nos propio aktonan hustu ta pa mostra nos mes sunu dilanti di djE..
 - (3) Kumpra ungwento pa wowo. Risibí(aseptá) e Spiritu Santu. Solamente E por duna nos bon komprendementu spiritual i konvensé nos di nos kondishon berdadero (Juan16:8).

❖ Resultado (vv. 19-20)

- Tin un problema. Ami ta sinti bon spiritualmente, pero Hesus kier pa mi mehorá. Sinembargo, si mi no ta konsiente di mi nesesidat pa kambio, nunca lo mi kambia. Nunca lo mi kier kumpra loke mi ta pensa ku mi tin kaba.
- Pa resolve esaki, Hesus tin Su propio métodonan : “ Mes tantu ku Mi ta stima, Mi ta reprendé i disipliná ”; i E ta agregá : “ Repentí” (Rev. 3:19).
- Hesus Su reprehon i kastigu no ta nesesariamente negativo. E ta preferá e kaminda di diálogo. E kier sinta ketu ku nos i papia... “ Ata, Mi ta para na e porta i ta bati. Si kualkier hende tende Mi bos i ta habri e porta, lo Mi dreña serka djé i sena kuné, i é ku Mi” (Rev. 3:20).
- Hesus ta bati na e porta di mi kurason i ta spera ku pasenshi. E no ta interumpí mi bida pa forsámi pa tin un relashon kunE. E desishon pa habri ta di mi.

❖ Gratifikashon (vv. 21-22)

- Hesus sa ku e kaminda no ta facil. E konose nos esfuersonan pa kumpra e oro, e bata, i e ungwento pa wowo. E konose nos luchanan pa vense tibiesa, habri e porta, i konektá kunE. Pesei E ta bisa nos: Boso por vense, meskos ku Ami a vense (Rev. 3:21).
- E sa tambe ku nos nunca lo tuma e promé paso. Dios semper a tuma e iniciativa.
 - (1) El a disidí pa krea nos (Gen. 2:7)
 - (2) E ta buska nos ora ku nos a peka (Gen. 3:8-9)
 - (3) El a duna Su mes pa salba nos (Juan3:16)
 - (4) E kier duna nos un rekompensa: pa sinta kunE, i desfrutá di eternidat den Su kompania (Rev. 3:21)
- E yabi na e komportashon divino aki (kual nos no ta merese) ta amor: “ Mi a stimabo ku un amor etèrno” (Jeremias 31:3). E kier tin un relashon ku nos. Mi kier tin un relashon kunE? Lo mi habri mi kurason na djE i stim’E manera E ta stimámi?

B Verifikashon di Realidat (Juan 15:1-11):

❖ E rama i e mata di wendruif.

- Djis promé ku Su morto, Hesus a deklará ku E tabata e “ e mata di wendruif, ” i ku Su disipelnan tabata “ e ramanan.” Kiko E tabata kier men ku esaki?
- Un rama por biba pa un tempu sin ta pegá na e mata, pero eventualmente esaki lo seka. Asina ku nos lo no por pèrdè bida etèrno, Hesus ta hasi un súprika na nos: “ Keda den Mi” (Juan 15:4). Den e 11 vèrsnan den kual Hesus ta kontá e komparashon aki di e mata i e ramanan, E ta huza e vèrbo “ keda ” 10 biaha. Esaki mester ta algu importante di bèrdat.
- Kedando den Hesus ta un kontraveneno na tibiesa di Laodisea. Ademas, e ta un fuente di goso (Juan 5:11). Pero kon nos por keda den Hesus?
- Dor di hasi loke ta agrad’E, esei ta, dor di warda Su mandamentunan (Juan 15:10). Esaki ta un kontesta amoroso na e amor ku Dios a musta na nos (1 Juan 4:19).

❖ E sap dje palu.

- Den wenter(invierno), e ramanan ta pegá na e mata, pero nan no ta karga fruta. Dikon? Pasombra nan no ta risibi sap.
- Solamente ora ku primavera yega esakinan ta risibi e sap for di e mata, i e ora ei e stèkinan(sprùitnan) (tendons) ta desaroyá(ta sali). E palabra Griego huzá dor di Juan tambe por referí na ramanan ku a wòrdu kibrá i transplantá bèk riba e mata.
- Sea nos ta sprùitnan tierno òf ramanan kibrá, un kos ta kla: nos tin mester di e sap di e mata. Na kiko nos por kompará e sap aki?
- Den e mesun diskurso (Juan 14-17), Hesus ta duna nos e splikashon: E Spiritu Santu ta Esun ku ta aktua den nos pa duna nos bida, si nos ta desea esaki.
 - (1) E ta nos Konsolador (Juan 14:16-17)
 - (2) E ta revelá Hesus na nos (Juan 15:26)
 - (3) E ta kulpa(konbensé) nos di piká (Juan 16:8)
 - (4) E ta guia nos den tur bèrdat (Juan 16:13)